

علما زید
۲۶.

۲۷۰



معلومات کتبخانه سی

مَدَنِي طِبِّیَّاتِ

محرری :

ابنه بولی خسته خانه سی طبیی

میلاسلی اسماعیل حق

طابع و ناشری :

« معلومات » و « ثروت » غزته لری صاحب امتیازی

السید محمد طاهر

معارف نظارت جلیله سنک رخصتیه

باب عالی جاده سنده طهر بک « ۴۰ » نومرولی

مطبعه سنده طبع اولمشدر

قسط طینیه

۱۳۱۶

معلومات کتبخانه سی

مَدَارُ الطَّبِیَّانِ

—۷۵۰۷۷—

۷۷

محرری :

اینه بولی خسته خانه سی طیبی

ملاسل اسماعیل حق

—۷۷۷۷۷—

طابع و ناشری :

« معلومات » و « شریعت » غزته لری صاحب امتیازی

السید محمد طاهر

معروف نظارت جلیله سنک رخصتیه

باب عالی جاده سنده طاهر بک « ۷۰ » نومرولی

مطبعه سنده طبع اولمشدر

قسط: طینییه


۱۳۱۶



Türkiye

Azma


ESERLER



نمازك طباً فائدهسى

دين مبین اسلامك بر اساس متین اوزرینه
مبتنی اولوب وحی محض اولان قرآن عظیم الشان
نك هر آیت جلیله سنك بر معجزه بلیغه هدايت
والحکام مبعوله محمدیه نك هر بریسی منتسبین
ومواظبینی ایچون برر حجت بدیعه سلامت
بولدیغنی بالمله عقلای حاضره وسابقه عندنده
مسکمدرد. حق زمانزده سوزلری یکانه مسدار
اشهاد واستشهاد اولان اورویا حکما وفضلاسی
جملة دین مبین احمدینك اکمل ادیان موجوده
اولدیغنی تسلیمده متفقدر. بوده عموماً یازدقلری
کتب متنوعه ومحفوظ ومضبوط اولان اقوال
حق شناسانه لرله ثابتدر معلومدرکه بر شیئك
بیوکلکینی اوشیئك خصمی اولانلر بیلله تسلیمه

طاہر بك مطبعهسى



مجبور اولورسه ذره قدر عقلی اولانلر ارتق
اونك فضل و قدرینی تسلیمده تردد ایتمزلر .

عقل سالم و فکر مستقیم اصحابی اولانلر
دیانت اسلامییه بی تشکیل ایدن احکامی نظرانصاف
وامعان ایله مشاهده ایدوب دوشونسلر در حال
سرفرو پرده سجده و تعظیم اولمقدن کنیدیلرینی
آله مزملر . حیفا که حکمه اه تعالی بواندیشه هدا .

یتجویانه هرکس ایچون میسر اوله میور . فقط بر
کره او طریق سعادت رفیقه دخول ایله مستفیض
اعمال صالحه اولانلر ارتق اودوق مغنوبدن لذت و اعلا
برشی کوره مزملر . واسفا که بر چوق کسه لر
بورالرینی بیله میورلر یا خود بیلیمک ایسته میورلر .

شریعت مقدسه مصطفویه نك دنیوی ، اخروی
ومادی ، معنوی بر نه حاج سعادت و سلامت اولدینی
شعوری تام ، وجدانی پاک ، قلبی غل و غشدن عاری
حاصلی فطرة تربیه و ارشاده قابلیتلی اولان
نظرنده پك قولای اکلایلیلر .

پادشاه دیانت اکتناه و شه نشاه کرامتپناه

افتدمزك عموم مكاتب اعدادیه و عالییه ده اشرف علوم
اولان علوم دینییه نك حسن تدریس و تدرسی
خصوصنده بیدریغ بیوردقلری عواطف سنیه
خليفة اعظمیلرینك درجه علویت و قدسییتی
حقيله تقدیر و توقیر ایسه قلم بشرک انتداری
خارجنده در .

ایشته بورالری میدانده ایکن اعتقاد عملیات
دینییه خصوصنده لاقیدلق کوسترنلر نه قدر تأسف
ایلدیسه بجادر . چونکه اولجه ده عرض ایدلدیکی
و اجهله بر دینك علویت و قدسیتی یارادلدیغی کوندن
بری کرک ابویندن کوردیکی تربیه و مکتبلرنده
ایلدیلان تعلیم و کرک عمومأ کنیدیلرینی احاطه
ایدن ملیونلرجه خلقك افکار باطله سی تأثیرانندن
اوله رق اودینه عداوت شدیدلری اولمق لازم
کلن و اولان اجنبیلر و باخصوص بونلرک اک
عقلیلری حرمت و رعایتیه مجبور اولورلرده انوار
ساطعه احمدیه نك اک یارلاق و معجزات باهره
محمدیه نك اک رونقلی بولندینی ممالک محروسه

اسلامیه ده مسلمان اوغلی مسلمان پدرلردن
متولد و خیلیدن خیلی به عقلادن کچینان بعض
کسانک خواب کران غفلت و کریوه ضلالت ایچنده
قالدقربنه تأسف ایتماک الدن لکیور .

دین مبین احمدینک علویت و قدسیتی اثبات
صدنده آیات واحادیث جلیله دن بیک دلیل
ایرادیله نقلاً تصدیق مدعا ایدیله بیله جکی کی
شریعت اسلامیه نیک هر بحث وقاعده سندن عقل
سالم و فکر مستقیمه موافق بولمسنه مبنی ادله
قاطعه عقلیه و فی زماننا علوم و فنون متنوعه
ترقیلرینه باقهرق رأیبری مابه الاعتماد و افتخار
اولان اوروپا علماسنک اقوال و افعالیله دخی اثبات
قولایدر . فرنک لک هیئتله مجلسلر تشکیل ایدوبلور
ملیونلرله غروش و سنه لرله اوقات صرفیه بیک
بین باطلاده رق کلامق ایسته دکاری حقایق
مختلفه نیک دین مبین اسلامده یک چوق زمان اول خبر
ویرلش اولدیغی واحکام منیفه سنک دخی تمامافنون
مترقیه حاضر نیک شهه دن عاری اولان مسائله
مطابق بولندیغی شهه دن وارسته در .

اسلامیت واحکام جلیله سنک تماماً موهبه
سبحانیه و معجزه نبویه اولدیغی اینانمش عقلا
وحکمای اجنبیه لایعد ولا یحصى اولوب بوراده
بونلرک تعدادی تطویل مقاله یی موجب اوله جغندن
باخصوص کافه تفرعاتیه برابر یازمق ارزوسنده
بولندیغی اثر مفصله تعلیقاً شمیدیک یالکیز (الواحد
کالف) قییلندن اوله رق غایت مهم بر مرجع بیانیه
ا کتفایده جکزه اوده یوزلرله فضلا ی زمانک اجتماع
و اتفاقیه یازلش اولان (لاغراند آنسیقلوپه دی)
La grande encyclopédie نام اثر عظیمک
اسلامیت بجه مراجعه ایتلرینی اخطاردن
عبارتدر .

بو کتابک محررلری اساساً خریستیان اولدقلری
حاله مجرد علوم و معارفک فیض نورانیسیله
اطلاع حقیقته موفق اولمشلردر بوراده یا بونلر
اسلامیتک بیوکلمکنی ، مقدس لکنی بیلمشلر
اکلامشلردنه ایچون مسلمان اولیورلر سؤالی
وارد خاطر اولور طوغریدر فقط براینجه دوشو .

نیلیرسه بوکاهیچ حاجت یوقدر. جمله معلومزد درکه
بر ذاتک عندالله مسلم مؤمن اولمسی الله تعالی نک
وحدانیت و حضرت محمدالمصطفی صلی الله علیه
وسلم افندمزک نبوت و رسالتنه قلباً اینامق ولساناً
اقرار ایتمکدن عبارتدر. حق لساناً اقرارک
اهمیتی ایکنجی درجهده قالیر قلباً. ایمان ایدوبده
اسباب مختلفه دن طولانی عالمه قارشى لساناً اقرار
ایده میان ذات ینہ مسلماندن. بن آدم لر طائیرمه
اسلامیتی تماماً تصدیق ایتدکاری حالده اظهار
اسلام ایدهمیورلر. امین اولدقلری ذواته یا هو
بن اظهار اسلام ایتک ایستیورم اما نه یا یومیکه
چولوق چوجق ایچنه قارشمشیز. قادینه (حریمه
ایچون) اکلاتق ممکن دکلکه شاید او یله بر شی
حس ایتسه در حال آیرلماز لازم کلیور. بن ایسه
چوجقلر مدن آیرلمسی پک کوچ بولیورم. اوجهته
دبن جلیل محمدینک الله ایلہ عبد آره سنده واسطه یه
حاجت یوقدر. بر کسه قلباً عقاید اسلامیه بی
تصدیق ایتدکدن صکره اظهار دخی ایتسنه ینہ

مسلمان صایبله جفی حقنده کی مساعده حکیمانه سنه
استناداً اخفایه اجتسار ایدیورم» دیدکاری
چوقدر. باخصوص اوروپانک بلاد مختلفه سنده
تدقیق غواض و تحریء حقیقت ایلہ مشغول
اولانلرک قسم کلیسی قلباً مؤمن ایسه لرده اطرافنی
احاطه ایدن ملیونلرجه اسباب مانعه دن طولانی
اظهار ایتیب صرف ایمان خفیلرله اکتفا
ایتدکاری آ کلاشلمتدر. معیشت دنیویه نک
ایجاب ایتدیکی احوالی اطرافیلہ ولایتی وجهله
دوشونلر بوکیفیتک تسلیمنده تردد ایتزلر.
خوش قلبلرنده تجلی ایدن نور ایمانک عشق
موانع براندازانه سیله بورالرینی نظر اهمیته
آلمیه رفق اظهار ایمان ایدن خرسیتیانلر آز دکل یا!
باخصصوص انکلیزلر کی ملیتلرنده متین، جدیت
اصحابی ایچنده حد آله بیکارله امثالی میدانده
طورمقدمه در.

ایشته بزله جناب حقک لطف محضی اولان
بودین مبینک حق دین اولدینی خصملری

طرفین بیه قولاً تصدیق ایدلیدیکی علی طریق
الاختصار عرض اولندقدن صکره احکام منیفه سنک
عقل وفیه وباخصوص طبه اولان توافق وتعالقندن
بحث ایتک ایسترز. بوباید احکام اسلامیه نك الك
مهملرندن اولوب فرائض جلیله نامیله معروف
اولان صلوٰة، صوم، حج، زکات، غسل وائمال
لنک هر برینک محتوی بولندیفی فضائل مادیه
و معنویه و منافع طبیئه جسمانیه و روحانیه سندن
علی الانفراد بحث ایتک لازم ایسه ده بزم بویسته
موضوع صلوٰة اولوب دیگرلری حقنیه دخی
انشالله تعالی عرض ایضا حاته موفق اولورلر.
صدده کیریشمزدن اول شوراسنی و عرض
ایده لکه بوعاجز کتبضاعنک بوخصوصده محرم
ایده بیه جکم معلومات فرائض جلیله الهیه نك
هر برینک احتوا بیوردینی حکم نافعۀ عیدیه
و مستلزم بولندیفی سعادت دنیویه و اخروییه
نسبتله کونشدن برذره، دکردن بردامله نوعندن
قالیر. فحول علمه بوباید جلدلر طولیدیره بیلیر.

مع مافیه ینه ایفای مقصده موفق اوله میه جقلری
شبهه سزدر.

صلوة

صلوة لغتده بر طاقم معنالر افاده ایدر سه ده
بزم بوراده مقصد من نمازدر. نمازدر مراد معلوم
اولندیفی وجهله عبادتدر. عبادت قوللق دیمک
اولوب بز نوع بشرک اللهه قارشى بورجلی
اولدیغمز قوللغک ایفاسیچون اجراسنه لزوم
کوربان افعال واردر. واقعا اللهه قوللق یایمق
ایچون مطابق اوضاع مخصوصه اجراسنه لزوم
یوقدر کی رشى خاطره کلیر سه ده اوکا اعتبار
ایتملیدر. چونکه انسانلر هر فکر و فعلنی بیان
ایچون علمه بر اشارت و طوره محتاجدرلر. بوخصوص
اولقدیر طبیعیدرکه اصلا قابل اعتراض اوله من.
بر انسان کوکلنده بولنان برشیئی، ذهنتده تصور
ایتدیکی بر فکری نه قدر صاقلامق ایسترسه دقت
ایدلیدیکی حالدۀ اومضمربنی مبین بعض اوضاع
اجر ایتدیکی حس اولور ایشته بووجهله انسانک نه

ایشلر سه ایشله سون جمله سنده بر طاقم احوال یا پسنک
طبیعی کی تحقیق ایتد کدن صکره بونک مادی و معنوی
منافی مستلزم بر صورتده یا پلمسی لزومی میدانه
چیقار .

بر نمازی ترکیب ایدن قیام و قعود و رکوع
و سجودک آداب عمومییه و تا خلقت آدمین
بو آنه قدر اولان اصول تعظیم و تکریمه موافقی
و بواسطه مخصوصه نک دها نیجه نیجه احکام
مهمه سی اولدینی جهتلرینی بر اقوبده مظلومه منی
یا لکز طب نقطه نظرندن یوریتمه که سعی ایده جکره .
فقط اصل نمازه کیریشمزدن اول اولنک لازم غیر
مفارق اولان آبدستدن باشلایهلم :

آبدست : طب نقطه نظرندن اولقدر نافع
و اهدر که عصر حاضرک باشلیجه مد ارتمیز و افتخاری
اولان میقروب مسئله سنک کشف اولنمسنندن
صکره درجه قدر و حیثیتی دها زیاده آکلا شلمشدر .
اولر یا لکز مسلمانلر تقدیر ایدر ایکن شمدی
اعداسی ده تعظیم و تجلیله مجبور اولمشلردر .

معلومدر که بر انسان نه قدر وحدت ایچنده
یاشاسه ینه آخرک تماس ایتدیکی اشیایه طوقمقدن
کندیسنی قور تاره منر . شو حالد میقرو بلره اک
زیاده معروض اولان اللردر ایشته آبدستده دخی
اولا اللری می یقارزه بو وجهله اللری مقرو بدن
تطهیر ایتد کدن صکره آغز می یقارز .

آغز می کوز لجه یبقا قله دیشلریمز آره سنده
قلمش بمک بقیه سنک بوزیلوب قوقی پیدا ایدر کک
دیشلره و کک اترینه مضر تلری محقق اولان
ماده لری تطهیر ایتمش اوله جغمزدن بشقه غایت
نافع بر دوش یاهرق قدرت فطره ربانیه نک آغز
ایچنده خلق ایتمش اولدینی زجک لری قوتلندر مش
اولورنر . بو زلر بر چوق بیوک و کوچک توکروک
فاریقه لریدر که لاینقطع اجرای وظیفه ایدر لر .
توکروک دیوبده کچیویر میهلم هانی بزم ظاهرده
اهمیتسنر کوردیکمز بوماده میکی آغز میزده چیکنر
ایکن ایصلا یوب یودلمسی قولای بر حاله کتیرد کدن
بشقه هضم ابتدائی نی افا ایدر . یعنی ینیلن یمک لری

معه وبافر صاقلرده اولدینی کبی اریتمک و هضم
وظیفه سنی یاغنه خدمت ایدر. دیمک اولیورکه
آبدستک نیلن یمکیرک هضمه وارنجیه قدر فائده سی
اولیور ایمش. (سبحان الله الملك العزيز المتعال)
بوندن بشقه هانکی بر طبییه و با خصوص دیش
طبییه سئوال ایدلسه آغز و دیشلرک حفظ الصحه سی
حقنده صیق صیق تمیز صو ایله ییقامقین اعلا
وقوللانیشلی توصیه ایدمک برشی بولمهر.
آبدستده ایسه صویک تمیز اولسی شرط اعظمدر.
شمی انصاف ایله دوشونلسون. بیک
اوجیوز بوقدر سنه اول بر بادیده احجاری و جماداتی
خالق ظن ایدمک قدر جاهل آدمی ایدمک
یتشمش بر ذالک بوکی قواعد نافع مکمله وصفه
مقتدر اولسی معجزه باهره سبحانیه دکلمه نه در؟
بوکا ایمان ایتیانلر اولسه اولسه عمای معنوی
اصحابی اوله بیلیرلر.

کچلم برونلر صو ویرمه نک منافعنه :
معلومدرکه برون دلیکلری منافذ طبییه نک اک

مهملرندن اولوب حیانتک باشلیجه مداری اولان
هوانک مرورینه خدمت ایدر. هوانک سربست
اوله رق مروزی ایسه هر حالده غایت لازم اولمغله
برابر کرک هوا و کرک غازوسائر دوماننک محتوی
بولندقلری بر طاقم میقروبی و مخرش توزلرک تا
بکولره قدر کیتیمی ای اولدیغندن خالق تعالی
حضر تلری برون دلیکلری ایچنده برچوق قیلار
خلق بیورمشدرکه بو توزلری اوراده توقیف
ایدرلر. حتی یکرمی دوت ساعت ظرفنده تراکم
ایدن توز ییاض بر مندیله واسطه سیله آلتوب باقلیه
بعضاً اوقدر چوق اولورکه انسان تعجب ایدر.
بووجه جه جناب حق برون دلیکلری ایچنده
لطفاً خلق بیوردینی قیلار واسطه سیله بو مضر
مادکتر توقیف ایدیلوب جکرلر کیتیمسنه مانع
اولندقدن صکره برشی قالیرکه اوده ایقاع مضرت
ایتماسی و مانع تنفس اولمالر یچون تمیزلنمسیدر.
بووظیفه مهمه ییده اسلامیتک امر بیوردینی آبدست
انساننده برون دلیکلرینه صو ویرمکله ایفا ایدرزه.

(هذان فضل ربی) یوزك صیق صیق ییقامسندەکی
منافع طبیهیی اورویا ممالکسندە یکی یکی یازیلان
حفظ الصحه کتابلری کمال اعتماد ایله بیان ایتمکده
اولوب بالخاصه وجهی ترکیب ایدن اتلرک طولغون
وقوتلی اولمسنه خدمتی واردر. بوندن بشقه یوز
ییقاندقن صکره انسانه برفر حلائیق کلدیکی عموماً
معلومدر .

دائماً قوللری ییقامقدهکی منافع دخی مثبت
اولوب بووجهله غایت اعلا موضعی بردوش ییقامش
اولورز.

باشک مسیحندەکی حکمت پک بیوکدر. انسان
نه جنس مشغولیتله اشتغال ایدرسه ایتسون اولمیش
ویورغونلق کلدیکی وقت ییننه طوغری هجومدی
منع ایچون باشک سربلندیرلمسی لازم کلیر .

قولاق دلیکاریلە ارقه لرینی سیلمک اورالرده
تراکم ایدن مادهلری تمیزلەمک دیمک اولدینی
کبی بونک ایکی طرفنه صو سورمک نزلە اولمامق
ایچون کوزل براعتیاددر. ایاق پرمقلری ارمسندە

اکثریا حاصل اولان آقارلی قوقارلی جلد
خسته لقلرینک توقی و تداویسیچون صیق صیق
ییقامقدن عبارت اولان تمیزلکه دقتدن اعلا
واسطه یوقدر .

ایشته علی الانفراد هر عضوک ییقامسندەکی
منافع عظمایی پک مختصر صورتده عرض ایتدک .
عمومیق اعتباریلە باقیلیرسه منافک دها بیوک
اهمیت مخصوصه آله جنی معلومدر .

صباحیلین قالقنجه الارله آغز ، برون ویوز-
لری و پردرجهیه قدر باشی وکذلک مسورت
خفیفه ده ال ایله ویاسونکر واسطه سیله بیونی
ویک مکمل صورتده قوللری، ایاقلری ییقامق
اورویاچه اطبا طرفندن اولنان توصیه لر اوزرینه
وجودینک قیمتی بیلن اصحاب ذوق سلیم ایچون
بر عادت مستحسنه اولمشدر . یوماً فیوماً بو
قاعده صحیه رعایت ایدنلر چوغالمقدهدر . بعض
سفلی و طبیعتسزلردن ماعداسی همان کاملاً قبول
ودوام ایتمکدهدرلر .

فرنگکار فنون و معارف قوتنه دها طوغریسی
یالکتر معارف قوتنه دکل عالم اسلامیتک عادات
جليله سنه و قوف پیدا ایتلمری سایه سنده بو نافع
عادتله هوساندکری و بونلره تمسکدن سعادت
حاصل اوله جغنی آکلایوب دوامه باشلادقلمری
حاله بزم دها زیاده رعایت و دوامه سعی
ایتمکلمز طبیعیدر. شبهه یوقدرکه بوکبی
افعال واحوالی فرنگکردن اوکرنمکه چالیشما
لزوم یوقدر. دوشونه جک اولور ايسهک عادات
اسلامیه دن پک چوغنی فرنگلرک اخذ و قبول
ایتدیکنی کوریرز.

کله لم نمازه : نماز هیئت عمومیه سیله اولور
بر جیمناستیقدر. هم اويله بر جیمناستیقدرکه
هر کس ایچون نافعدر. زیرا بوکونکی کوندن
تحقق ایتدیکنه نظراً هر کسه یعنی هر سن
وهر صنف ایچون نافع اولان جیمناستیقتک
برطاقم حرکات و اوضاع خفیفه ایله یا یلان
نوعیدر. بووجهله دوران دمه براعتمال مطلوب

ویریلهرک ینیلن طعامک هضم و امتصاصنه خدمت
ایدیلوب جمیع اعضانک حرکات مخصوصه لطیفه سی
ایله وظائف حیاتییه برانتظام طبیعی آدیریلر.
بوندن ماعدا مشغولیتلمری وجود یورغونلغنی
موجب اولان آدملره برنوع سکونت، سکونتلی
یعنی دائماً ایشلمری او طور مقایجاب ایدنلره حرکت
و مشاغل ذهنیه ایله اشتغال ایدنلره، استراحتدر.

بر هضم کیفیتنی بیلاردو اوینامقله ده تسهیل
ایدنر دییانلر اوله بیایر فقط بیلاردو لمیاتک اک
اهون شری اولمغله برابر ینه پک چوق مضردر:
اولا : او یون اولمق حسبله الله تعالینک قرآن
عظیم الشانده بیوردینی وجهله انسانی اذکار الهیه
و اعمال صالحه ایله اشتغالدن منع و اوینایانلر ارسنده
بغض و عداوت ایقاع ایدر.

ثانیاً : اوینایانلردن بریسنک قزانوب دیگرینک
غائب ایتیمی طبیعی اولدیغندن غائب ایدنده مایو -
سیت، دیگرنده سوینج و او یون انساننده هر چکد -
یکنی مطلوب وجهله اصابت ایتدیرمه مدیکندن

هر ايکي طرف بچونده بمنويت و محزونيتدن عبارت
بر تائر دائمي حاصل ايدوکه طب نقطه نظرندن
غایت مضر در. بونک درجه مضر تي الایي بينلر
اطبا اوله جغندن هر کس ايستديکي طبيبه صوره بيلير.
ثالثاً : اويونلرک عمومي کي بيلاردو دخی
اهوای نفسانيه ايجابانندن بولنديغندن انسان بوکا
پک قولای ابتلا پيدا ايدر. ابتلا ايسه طب نظرند
وخيم برنوع خسته لقدر. بوبابده دها زياده تفصيله
حاجت اوليوب متفرع محاذير و مضراتي انسان
دوشونمکله پک قولای درک و اذعان ایده بيلير.
بومعروضات مجمله اصحاب اندیشه و اصناف
نظرند پک چوق معنای مفید اوله بيله چکنی
ظن ايله نمازک منافی حقنده جلدلر طولديره جق
قدر سويلنمسی ممکن اولان منافی تعداده لزوم
کورميز. (العارف تکفیه الاشاره)
نمازک اوقات معلومه به تقسيمينه کنجيه :
بوجهتک دخی پک بيوک حکم نافعیه مبتنی اولدينی
محققدر. شمدي عموماً تسليم اولمشدرکه انسان

اويقودن قالقدقندن صکره اليرینی و يوزینی
ييقامغه، دها مختصري آبدستک ترکب ايتديکي
کافه حالانه محتاجدر و هر کسده ياقسماً و ياتماماً
بونی يامقدمه در. بويله لکله اويقونک ويرديکي
سر سملک و آغراق کيده رلدکن صکره طبيبی يا
برقهوه آلتي ياييله جق يا خود ايشه باشلانجق هر
هانکيسي اولورسه اولسون يعنی اويانلمسني متعاقب
هان پک بيمک و ياييشله مشغول اولمق ايکيسيده
مناسب دکلدر. مسلمانلغک امر ايتديکي درت
رکعت نمازک محتوی اولدينی حرکات نافعیه
بومحذورك الاعلا دواسيدر.

صبح نمازينک بوندن ماعدا پک بيوک فائده لری
دها واردر. مثلاً صبح نمازينی قيلمق مجبوريت
کينبه سنده بولان ذات نمازک کون طوغمازدن اول
قلممسی لزومنه مبنی ایرکن قالقمق اعتيادينی حاصل
ايدرکه بوامنيه نک استحصاليچون طبيبی ایرکن
ياتار. کرک کيجه لين وقت وزمانيله ياتمق و کرک
صبحا لين کون طوغمازدن اول قالقمانک صحت

نقطه نظر نندن عظیم فائده لری اولدینی طباً بالتجربه ثابت و معلوم اولمش حقایقنددر. کیجه لری کج یاتوب کون طوغدقدن صکره او یا نانلرک بر طاقم امراض وخیمه عصبیه مبتلا اولدقلری کتب طیبیه ده محرردر. مسلمانلر ارسنده مشهور برسوز وارد رکه یک کوزل تصدیق ایدراوده عافیت، صحت فوق العاده سندن بحث اولنان بر ذات ایچون افندم نصل زنده وقوی اولسونکه هیچ اوزرینه کون طوغدیر مامشدر دائماً صباح نمازندن اولقالقار دیملریدر بو خصوص اوروپا لیلر نزدنده دخی مسلمدر. حاصل کلام کیجه لری وقتیه یاتوب طباحلین ایرکن قالقمانک منافی دنیانک هر طرفنده تصدیق ایدلمشدر.

اوله نمازی : هر هانکی نوع ایشله مشغول بولنانلر اولورسه اولسون مطلقاً ارسره استراحتیه احتیاجلری وارسته عرض اولدینی کی بالخاصه اوله وقتی بر فاصله ویرمک لزومک عمومأ قبول اولدینی معلومدر. ایشته فاصله زمانی اک صحی واک مقبول صورته کچیرمک ایچون شرائط

مقتضیه سی دائره سنده یا بلمش آبدست و نمازدن اعلا برواسطه اوله میه جفی شمدی به قدر ویریلن تفصیلاتدن آکلاشلشمشدر.

ایکندی نمازی دخی بر نوع فاصله مشغولیت اولق اوزره نافع اولدینی کی افشام طعامنی اشته ایله پیوب وجودی هضمه غایت مساعد بر حاله کتیر مکده خدمتی واردر.

اقشام نمازی ایسه اووقته قدر یورلمش بر آدمک یورغون یورغون یمکه صارلمسی ای اولمیه جفی کی بردنبیم استراحت ایچون سکون تام ایله وقت کچیره سی دخی موافق اولماسندن قیلنمسی الزمدر. زیرا یورولمش بر آدمک دیکلنمسی دخی تدریجی وخفیف حرکات ایله نهایت بولورسه دها زیاده حفظ الصحیه توافقی ایدر.

یاتسو نمازی اقشام طعامندن صکره بر ایکی ساعت او یومقسزین او طور مق کی غایت نافع بر ایجاب صحی یی اقتضا ایتدیکی کی علی العموم طعامدن بر یچق ایکی ساعت صکره نفع ولزومی درکار اولان خفیف وکافی درجده بر جناسستیق

یا پلمش اولق ایچون اوزونجه بر صلوٰۃ جلیله دره
 ایشته بو وجهله فضائل و محسناتندن پک مجمل او-
 له رق تحریر ایدیان صلوٰۃ خمسک ادا سنده سر مو-
 قصور ایتماک هر مؤمن ایچون فرض مطلق اولد یغی
 کبی احکام جلیله اسلامیة نک هر بر یسنک آری آری
 بر ره بر سعادت و فیوضات اولسنه مبنی امت نجیبه
 محمدیه نک غریق رحمت و غفران اولسنه وسیله جلیله
 اولق فکر و نیت قدسیته و روانه سیله نیجه نیجه جوامع
 و مساجد شریفه بنا و انشا و بونجه تکایای مبارکه
 کشاد و احیا بیور مقده اولان پادشاه دیانتا کتیه
 ولی نعمت بیتمیز خلیفه رسولاه افندمن
 حضر تلیرنک دوام عمر و اجلال شهر یار یلری
 دعاسی دخی اهم وظائف اسلامیة و اوامر سنیته
 الهیه و نبویه دن بولندیغندن بز دخی جناب دیان
 مطلق جل شانه حضر تلی شوکت مآب افندمنک
 عمر و اقبال و سلطنتلرینی دلخواه خلافتینا هیلری
 موجب نیجه مزداد بیورسون دعاسنی رفع بارگاه
 متعال ایدرک ختم مقال ایلرز. (و من اه التوفیق)



معلومات کتبخانه سی

پاره	غروش	
۲۰	۱	خلافت معظمه اسلامیة
	۵	تساليا میدان حربنده ۱۱۵ (رسمی حاویدر)
	۲	هسکر اوغلی (ملی حکایه) { احمد راسم بك }
۲۰	۱	ناکام » » » »
	۵	ماتیلد لاروش (مصور و مترجم حکایه) » »
	۶	کتابه غم (ایکی جلد) » »
	۴	عمر ادبی » »
	۱	عروض عثمانی { سداد بك }
	۶	منظره برنجی، ایکنجی، اوچنجی، دردنجی
	۱	داستان ظفر (منظوم) { عصمت بك }
	۲	قطیہ طوغری (مصور سیاحتنامه)
۱۰	۱	دولت علیہ و یونان معاهده قطعیہ صلحیہ سی
	۱	اسلامیت و دولت علیہ عثمانیہ حقندہ طوغری برسوز
	۵	زولیتک ازدواجی { علی کمال بك }
	۳	ایکی همشیره » »
	۲	چولده برکدشت » »
	۱	کیسه یوریش و محاربه لری { فاضل بك }
	۱۲	احوالنامه مؤلفات عسکریه عثمانیه { احمد عثمان بك }
۲۰	۲	مزین (ملی حکایه) { جلال بك }
	۲	سودای معصومانہ (ملی حکایه) { وجیهی بك }
	۲	شرق و غرب { ذکی افندی }
	۲	تعدد زوجات { محمود اسعد افندی }
	۲	ذیل تعدد زوجات [فاطمه علیہ خانم]
۲۰		شهر مکتوبی ۹ جزؤ چقمشدر
۲۰	۱	سودای نهان { یکیشهرلی راده خالد یوب افندی }
۲۰	۱	غوریلر ایچنده » »
	۱	موعظه معلومات { نظیف سروری بك }